

VISA ORO (Enpresako Txartelak) Istripu Aseguruaren informazio-laburpena

LABORAL Kutxak Seguros Lagun Aro S.A.rekin izenpetutako 11.07.10.000602 zenbakidun istripu-aseguru kolektiboaren polizaren baldintza orokorren eta partikularren laburpena. Baldintza hauek 2017ko urtarrilaren 1etik aurrera daude indarrean. Laburpen honen helburu bakarra informazioa ematea da, eta edozein auzi edo gatazka argitzeko, Polizaren Baldintza Orokorretan eta Partikularretan adierazitakoa bete beharko da.

Aseguratutako kolektiboa

Aseguratutzat hartuko dira garraio publikoan bidaiatzen ari diren pertsona guztiak, garraio publikotzat joz garraio-mota hori egiteko baimen administratiboa duen ibilgailu oro, bai eta alokairuko autoa ere, bidaiaren edo alokairuaren zenbatekoa LABORAL Kutxak jaulkitako enpresa-kontu baten kargurako Visa Oro txartelarekin ordaindu bada, txartelaren titularrak izan ala izan ez.

Bidaia bat partzialki ordaindu bada Enpresaren Visa Oro txartelarekin, aurrerago zehaztutako kalte-ordainak kalkulatzeko, aipatutako txartela erabiliz ordaindutako bidaia-txartelaren zenbatekoaren ehunekoarekin bat datorren kapital aseguruaren hainbanakoa hartuko da aintzat.

Txartel bakar batekin ordainduz gero, bederatzi pertsona aseguratuko dira gehienez.

Alokairuko autoa: kasu horretan aseguratutako pertsona-kopurua baimendutako plaza-kopurura mugatuko da, zazpi gehienez ere.

Estalitako arriskua

Honako istripu hauen ondoriozko gorputzeko kalteak bermatzen dira:

- Bidaiariaren garraio publikoa egiteko baimendutako edozein ibilgailutan bidaiari gisa jasandako istripuak, bai eta garraiobidera igotzeko eta jaisteko unean izandakoak edo bidaiatzeko zain egoteko lekuan gertatutakoak ere (geltoki, portu edo aireportuetan).
- Goian adierazitako baimendutako garraio publikoaren irteerako edo itzulerako puntura joateko erabilitako garraio publiko osagarrian gertatutako istripuak.
- Estali egingo dira aseguratutako pertsonak, bidaiari gisa, bidaiaren zehar baimendutako edozein garraio publikotan egindako ibilbidean gertatutako istripuak, eta ez da nahitaezkoa izango garraio publiko hori txartelarekin ordaintzea, betiere bidaia nagusia, joan-etorria, txartelarekin ordaindu bada eta haren iraupena 30 egunekoa baino luzeagoa ez bada.
- 24 orduko estaldura iraganbidean: Bermatuta daude Aseguratuak jasandako istripuak, aurreko ataletan jasota ez badaude ere, bidaiaren zehar, gehienez ere 30 eguneko epea hartuz, laneko jardueraren zein eguneroko bizimoduaren ondoriozkoak direnean, betiere ibilbide nagusiak (joan-etorria) Enpresaren Visa Oro txartelarekin aurrez ordaindu badira. Estaldura hori ez da aplikatuko bidaiaren ibilbide nagusitako bat soilik ordaindu bada txartelarekin, joaneko zein itzulerako bidaia, alegia.
- Aseguratua bidaia egiteko alokairuko ibilgailu batean bidaiari edo gidari gisa badoa eta autoaren alokairua Visa txartelarekin ordaindu badu.
- Bermatu egiten dira egiaztatutako eta beharrezko gastuak, garraio bidearen bahiketaren ondoriozkoak badira eta laburpen honen Kapital Aseguratuari buruzko atalean adierazitako zenbatekoaren mugaraino.

Bermeak

Heriotza: Heriotza bat-batean gertatzen bada edo istripuaren datatik urtebeterra, Aseguru Etxeak aseguratutako kapitalaren % 100en ordainketa bermatzen du.

Baliaezintasun Iraunkorra: Jasandako lesioen ondorioz, Aseguratua, osorik eta modu iraunkorrean, edozein lan-mota edo ordaindutako enplegua betetzeko ezindua edo ezgaitua gelditzen denean eta ezintasun iraunkor absolutu atzeraezina istripuaren datatik hurrengo 12 hilabetetan gertatzen denean, Aseguru Etxeak aseguratutako kapitalaren % 100 ordainduko du.

Lesioek jarraian adierazitako kaltea ekarri badute, istripua gertatu eta 100 egunen buruan, Aseguru Etxeak galera hauengatik ordainduko du:

- Bi eskuak, bi oinak edo bi begien ikusmena: aseguratutako kapitalaren % 100.
- Esku bat eta oin bat: aseguratutako kapitalaren % 100.

- Beso bat edo hanka bat: aseguratutako kapitalaren % 50
- Esku bat edo oin bat, edo begi baten ikusmena: aseguratutako kapitalaren % 50

Kapital aseguratua

Kapitala: 1.250.000 euro pertsonako.

Txartelarekin ordaindu den alokairuko auto baten estaldura, gidari edo bidaiari gisa: 625.000 euro

24 orduko estaldura iraganbidean: aseguratutako kapitala 375.000 eurokoa da pertsonako.

Hildakoa 14 urtetik beherakoa bada, kalte-ordaina 6.000 eurokoa izango da soilik eta hiletako gastuen kontzeptuagatik.

Gastuak garraio bidearen bahiketagatik: Aseguru Etxeak gehienez ere 6.000 euro arteko kalte-ordaina ordainduko du kasu guztietan.

Berme eta kapital hauek guztiak ez dira metagarriak haien artean.

Onuradunak

Heriotza gertatuz gero, Aseguratuak espresuki izendatutako onuradunik ez badago, aseguruaren onuraduntzat hartuko dira, lehenasunezko ordenan, hauek: 1. Ezkontidea, legez bananduta ez badago. 2. Seme-alabak. 3. Aseguratuaren gurasoak. 4. Aseguratuaren legezko jaraunsleak. Ezintasunaren kasuan, aseguratutako zenbatekoa Aseguratuari berari emango zaio. Ezbeharraren unean, txartelaren titularrak LABORAL Kutxari zenbatekoren bat zor badio, LABORAL Kutxa izango da lehenengo onuraduna ordaindu gabe dagoen zenbatekoa estali arte.

Adin-muga

Aseguratuaren adinak ez du estaldura mugatzen.

Esklusioak

Esklusio hauek adierazteko jasotzen dira, eta ez mugatzeko; hortaz, ez dira estaliko ezbehar hauen ondorio zuzena edo zeharkakoa diren gorpuzteko kalteak:

- Gerrak, gatazka armatuak eta terrorismoa (Aseguruaren Konpentsazio Partzuergoak eskainitako estaldura izan ezik).
- Bere buruaz beste egitea edo suizidio-saioa.
- Miokardioko infartuak eta garun-hodietako gaitzak.
- Aseguratuak delituzko ekintzetan, dueluetan edo liskarretan parte hartzeagatik sortutako istripuak.
- Aseguratuak alkoholaren, drogen eraginpean edo burua galduta egoteagatik izandako istripuak.
- Legez garraio publikoaren sailkapena ez duten aireko garraioetan gertatutako istripuak.
- Jarduera eta/edo kirol arriskutsuak (parakaidismoa, alpinismoa eta espeleologia) egitean eta abentura-kirolak (puentinga, raftinga, arroilen jaitsiera) praktikatzeko gertatutako istripuak.
- Espainiaren jurisdikzioko uretatik kanpo egindako nabigazioa, bidaiaren garraio publikoak ez diren ontzietan.
- 25 urtetik beherakoentzat ziklomotorrak edo motozikletak erabiltzea eta gidatzea kasu guztietan, eta 25 urtetik gorakoentzat 250 cm³ baino zilindro-bolumen handiagoko motozikletak erabiltzea eta gidatzea.

Baita FP1101/04 Berr. Istripu kolektiboan Baldintza Orokorretako 4. artikuluan adierazitakoak ere.

Gehieneko kalte-ordaina aseguratutako pertsona bakoitzeko

Visa Oro Enpresa txartelaren bikoiztua jaulkitzeak edo LABORAL Kutxak titular beraren izenean beste bat jaulkitzeak ez du nahitaez ekarriko aseguratutako kapitalen metaketa bat, eta kapital horiek ezingo dira izan Bermeak eta Kapitalak atalean ezarritakoak baino handiagoak.

Bidaia-txartel bakoitza txartel bakarrarekin soilik ordaindu ahal izango da, beraz, ezingo dira inola ere bermeak bikoiztu.